

二經同卷

安七

萍沙王五願經

琉璃王經

萍沙王五願經

吳月支優婆塞支謙譯

聞如是一時佛在王舍國鷄山中與五百比丘

丘俱時王舍國王号名萍比沙少小作太子

意常求五願一者願我年少為王二者令我

國中有佛三者使我出入常往來佛所四者

常聽佛說經五者聞經心疾開解得須陀洹

道是五願萍比沙王皆得之時王舍國北方

有異國國名德差伊羅其國王名弗迦沙甚

高絕妙宿命時曾更見佛受佛經道學身中

六分經何等六分一者身中有地二者身中

有水三者身中有火四者身中有風五者身

中有空六者身中心身中凡有是六分萍

比沙王與弗迦沙王生未曾相見遙相愛敬

如兄弟常書記往來相問遺不絕萍比沙王

意常念令我得絕奇好物以遺弗迦沙弗迦

沙王亦常意念令我得絕奇好物以遺萍沙

王弗迦沙王國中奄生一蓮華一枚有千葉

皆金色遣使者以遺萍比沙王萍沙王見華

大歡喜言弗迦沙王遺我物甚奇有異萍比

沙王作書與弗迦沙王言我國中有金銀珍

寶甚多我不為寶今我國中生一人華人

華字佛紫磨金色身有三十二相弗迦沙王

讀書聞佛聲大歡喜踊躍毛衣皆堅宿命曾

已見佛故毛為堅弗迦沙作書與萍比沙王

願具聞神佛所施行教戒當所奉行願具答

意弗迦沙王却後數日自念言人命不可知

在呼吸間我不能復待萍比沙報書不如便

自行見佛弗迦沙王至九十九小國小國王

曰來朝弗迦沙勅諸小國王及群臣百官諸

兵皆悉嚴駕發行到王舍國佛所道逢萍比

沙王書書上言佛教人棄家捐妻子斷愛欲

當除鬚髮著法衣作沙門所以者何人愚癡

當除鬚髮著法衣作沙門所以者何人愚癡

故不當爲者而爲之便爲癡從癡爲行從行爲識從識爲名色從名色爲六入何等爲六入一者眼二者耳三者鼻四者口五者身六者心是爲六此六事皆外向眼向色耳向聲鼻向香口向味身向細要心向欲是爲六向從六向爲合從合爲痛樂從痛樂爲愛從愛

安七

二

五

爲受從受爲有從有爲生從生爲老死憂悲苦不如意惱如是合大苦陰隨習凡合此勤苦合名人智者自去愚癡愚癡盡衆惡消除惡消除便行盡行盡識盡識盡名色盡名色盡六入盡六入盡合盡合盡痛樂盡痛樂盡愛盡愛盡受盡受盡有盡有盡生盡生盡老死盡老死盡已憂悲苦不如意惱如是合大苦陰隨習爲盡便不復生不生即得泥洹道無爲弗迦沙王讀書竟自思念夜人定後群臣百官士衆皆卧出寂然無聲竊起去入丘墓間便自剃頭被法衣作沙門無飯食應器便取冢間久死人髑髏淨刮洗以爲應器

持是髑髏應器轉行到王舍城比沙王國止於城外舉頭視日念今日至佛所晚明日乃行弗迦沙王前報窣家願寄一宿窣家言大善我舍幸寬有宿止處弗迦沙王於外取小草蓐入於一屏處布座坐其上自思惟五內佛以天眼從雞山中遙見弗迦沙王來到王

舍國止於城外窣家佛念弗迦沙王命盡明日恐不復生相見

佛即飛行就到窣家門外佛報窣家願寄一宿窣家報言我舍幸大可得相容屬者有一沙門來寄宿自與相報相便安者便可止宿佛即前至弗迦沙王所言我從主人寄一宿

安七

三

富

云當報卿卿寧肯令我一宿耶弗迦沙言我適有小草蓐纒足坐耳此舍幸寬卿便自在所欲宿耳

佛便自左右取小草蓐於一處坐佛端坐過三夜弗迦沙亦端坐佛自念是弗迦沙坐安諦寂寞不動不搖佛意試欲前問用何等故

作沙門受何經戒喜何等經佛起到弗迦沙  
 前問言卿師受誰道用何等故作沙門弗迦  
 沙報言我聞有佛姓瞿曇父字悅頭檀白淨  
 王也其子髮頭鬚作沙門得佛道我師事之  
 我用佛故作沙門佛所說經入我心中我甚  
 喜之佛問寧曾見佛不弗迦沙言未曾見設  
 使見者寧能識是佛不弗迦沙言見之不能  
 識佛念是賢者為用我故作沙門續當為子  
 說宿命時所知經亦乃解疾耳佛語弗迦沙  
 言我為卿說經上語亦善中語亦善下語亦  
 善為卿說身中六分事善聽之弗迦沙言大  
 善佛言合此六事能成爲人身人身凡六事  
 有所覺知人志用十八事轉動人意凡有四  
 事道人所當奉行奉行已志不復轉志不復  
 轉者便得道得道已不復生不復老不復病  
 不復於今世死亦不復於後世死亦不復愁  
 亦不復憂亦不復怒亦不復思亦不復愛是  
 為度世之道

請解六事合爲人熟聽之一者地二者水三  
 者火四者風五者空六者心  
 何等爲地地有二品身地外地何等爲身地  
 者謂髮毛爪齒皮肉筋骨脾腎肝肺腸胃身  
 中諸堅者皆爲地身地外地同合爲地身地  
 外地非我地適無所復貪愛知者當熟思惟  
 是以自解  
 何等爲水水有二品身水外水何等爲身水  
 者謂淚涕唾膿血汗肪髓腦小便身中諸粟  
 者皆爲水身水外水同合爲水身水外水非  
 我水適無所復貪愛知者當熟思惟以自解  
 何等爲火火有二品身火外火何等爲身火  
 者謂身中溫熱腹中主消食身中諸熱者皆  
 爲火身火外火同合爲火身火外火非我火  
 適無所復貪愛知者當熟思惟以自解  
 何等爲風風有二品身風外風何等爲身風  
 者謂上氣風下氣風骨間風腹中風四肢風  
 喘息風身中諸起者皆爲風身風外風同合

安七

四

山

爲風身風外風非我風適無所復貪愛知者當熟思惟以自解

何等爲空空有二品身空外空何等爲身空者謂眼空耳空鼻空口空喉空腹空膈空食所出入空是爲身空身空外空同合爲空身空外空非我空適無所復貪愛知者當熟思

惟以自解智者學道能自別知身中五分餘一分者心心清淨無欲自念我清潔如是若願欲上第二十五空慧天恐於二十五天上壽數千劫不得脫若復願上第二十六識慧天壽復倍於二十五天上恐爲不得脫若復願欲上第二十七無所念慧天壽復倍二十

六天上恐復不得脫若復願欲上第二十八無思想天壽八十四千萬劫恐復不得脫志便厭苦壽久不得脫便取泥洹道

何等爲六事名合者謂目合於色耳合於聲鼻合於香舌合於味身合於細滑心合於知是爲六合

安七

五

石山

何等爲志十八轉者謂目爲好色轉爲惡色轉爲中色轉耳爲好聲轉爲悲聲轉爲惡聲轉鼻爲好香轉爲惡香轉爲臭香轉舌爲美味轉爲惡味轉爲無味轉身爲細爽轉爲塵堅轉爲寒溫轉心爲善事轉爲惡事轉爲世事轉爲志十八轉

何等爲四事堅制人者一爲至誠二爲等愛三爲智慧四爲消滅諸惡是爲四堅志目所貪愛得之因快樂快樂離人自覺過去從苦致苦能知爲苦苦已去自知爲脫苦人行苦難得樂當思惟斷諸惡事因得不苦不樂自知遠離諸苦譬如兩木相揩生火因別兩木各著一面火亦滅木亦冷恩愛合便得苦弃捐恩愛自知爲脫譬如鍛金師得好金自在欲作何等奇物臂環耳璫步搖花光及百種皆能作之道人持心當如是鍛金師自在欲生不假令欲生二十五天二十六天二十七



過去無有常知當復過去意不復向不復念不復思不復愛是名為無為智者自思惟如是乃為高耳人遠離諸惡乃為智耳目所見万物皆當過無有常無為亦不復去亦不復來道人知是者便信於道無為最為至誠未得道時所喜愛樂身心所生得道已皆棄捐之人弃所在恩愛是名為無為

志在婬泆故不得脫志在瞋怒故不得脫志在愚癡故不得脫道人知是者因弃婬泆之心弃瞋怒之心弃愚癡之心拔恩愛之本斷其枝條截其根莖不復生滋是名無為自念有我志復動無我志復動我端正志復動我

不端正志復動人豫自念如是是為病是為劇是為痛是為不脫是故不欲多念是謂諸苦之要

弗迦沙本不知是佛得第三阿那含道能知為佛耳即起以頭面著佛足言我實愚癡無狀失於禮敬佛便自現光景威神弗迦沙便

安七

六

石山

自悔過言我愚癡人佛言若能自悔過為善令若過除弗迦沙言願持我作沙門佛問若作沙門衣盃具不弗迦沙言未具佛言沙門衣盃不具不得作沙門弗迦沙言諾請行具之佛言大善弗迦沙起為佛作禮繞佛三匝弗迦沙明日即入城入城未遠城中有少齒

犍牛犍走已角觸抵弗迦沙諸比丘展轉聞之白佛言佛昨日可於窠家為說經沙門辭行具衣盃為犍牛所抵殺如是當趣何道佛言是大長者我為說經皆悉心受奉行之即得第三道須陀洹斯陀含阿那含便弃五蓋一者婬泆二者瞋怒三者睡眠四者戲樂五者悔疑不正之心今生十六天上阿那含中便自於天上得阿羅漢度世去令諸比丘共取弗迦沙身好收葬之於其上起塔諸比丘即共承受佛教即為起塔佛說經已諸比丘皆叉手為佛作禮

佛說蒞沙王五願經

琉璃王經

晉三藏竺法護譯

聞如是一時佛遊迦維羅衛釋氏精舍尼拘類樹下與五百比丘侍者阿難金剛力士樓

安七

七

由俱於城中有舍夷貴姓五百長者共為世尊造立講堂自相與誓講堂成已堂請正覺於上設供沙門梵志長者居士群黎人民不得先佛妄昇此堂若違要者罪在不測舍衛國王時有太子名維樓黎產育之初與琉璃寶俱因以為号領衛士定省外氏方來入城

見視講堂高廣嚴淨都雅殊妙世所希有則於其上頓止息涼監講堂者往白諸貴姓言舍衛太子來止講堂貴姓聞之與怒罵曰吾等家產有何異德敢登此堂本造斯殿乃為佛舉當具上饌延屈世尊至具聖眾供養畢訖然後吾等乃宜自處而微者前尊置體于

此尋遣使者而罵辱之催逐發遣令不久滯所蹈之地刻去足跡所履寶階輒更貿易時琉璃太子聞其罵音姿色變動心懷毒恚勅太史曰深憶記之頃吾為王當誅此類太史阿薩陀晉名無信能觀天文占究災惟令書此狀內于帶中挾惡識非嚴退還歸不復前至朝

覲外家太子父王名波斯匿與后末利駕乘導從詣祇樹園下車却蓋免冠解劍屏拂脫屣除四種兵步涉小徑與末利俱五體投地稽首為禮却坐一面琉璃太子時歸還宮無所瞻觀問左右曰父王太后今為所在奏曰造佛太子聞問欣率所領不復解嚴遂至精舍曰宜知是時於是太子逼害翼從王之近臣五百餘人一時夷滅却王冠憤蓋劍拂履服乘諸飾外無白者於時世尊為王及后說世無常愛欲合會別離法句王立不退轉后得觀道迹佛說經已王稽首退不見侍輔而僵屍狼藉惟王衣冠二人得免逃入樹間還